

Ođđalágan doarjja sápmelaš árrabajásgeassima dási árvvoštallamii – mihttomearrin nannet ja bajásdoallat sámi giella- ja kulturárbbi

Álbmotlaš skuvlema árvvoštallanguovddáš (Karvi) ovdánahtta vuosttas háve árvvoštallanbargoneavvu sápmelaš árrabajásgeassima dási árvvoštallamii. Bargoneavvu geahččaluvo guhtta sierra Suoma guovlluin leahkki gielddas, mat ordnejit sápmelaš árrabajásgeassima. Árvvoštallanbargoneavvuin vigget ovttaiduhittit sápmelaš árrabajásgeassima dási árvvoštallama sihke doarjut bargoveaga ja jodiheami árvvoštallamis.

Ođđa árvvoštallanbargoneavvuin árrabajásgeassima bargit sáhttet árvvoštallat iežaset doaimmaid sápmelaš árrabajásgeassima pedagogihka ollašuhttimis. Árvvoštallan láhkái leat sápmelaš árrabajásgeassima guovddáš temát, dego mánáid sámegiela ovdáneami ja oahppama doarjun, luonduoktavuohta, árbevirolaš ealáhusat sihke searvevuhta. Bargoneavvu lea ovdánahtton ovttasbarggus sápmelaš árrabajásgeassima bargiiguin ja Sámedikki nammadan áššedovdiiguin. Ovdánahttinbarggus leat fuolahan das, ahte bargoneavvu sisdoalut čuvvot álbmotlaš lánkaásaheami ja árrabajásgeassima stivrejeddji áššegirjjiid. Bargoneavvu lea fidnemis suomagiela lassin buot sámegielaide.

Sápmelaš árrabajásgeassima árvvoštallanbargoneavvu pilohtta nappo geahččaleapmi álggahuvvui golggotmánus 2022. Pilohta mihttomearrin lea iskkadit, man bures árvvoštallanbargoneavvui gulli skovvi doarju sápmelaš árrabajásgeassima árvvoštallama ja ovddideami. Lassin pilohtas geahččaluvo, mo árrabajásgeassima sierra ovttagain ja gielddain čoggojuvvon materiála sáhtta raporteret ja ávkástallat bargoveaga iežasárvvoštallama doarjjan.

Pilohta ollašuhttin dahkkojuvvo ovttasbarggus sápmelaš árrabajásgeassima fálli gielddaiguin sihke Sámedikkiin. Pilohtta fállá oassálastiide, dego árrabajásgeassima ordnejeaddjiide, jodiheaddjiide ja bargiide vejolašvuoda ovddidit kvalitehta árvvoštallama Karvi doarjagiin. Bargoveaga vástádušat ja sis čoggojuvvon máhcahat ávkástallojit árvvoštallanbargoneavvu ovddideamis. Lassin árvvoštallanbargoneavvu piloteren veahkeha Sámedikki sápmelaš árrabajásgeassima ovddideamis. Pilohta ollašuhttimis ja bargiid máhcahagas almmustahtto raporta giđđat 2023.

Sápmelaš árrabajásgeassima árvvoštallanbargoneavvu laktojuvvo aiddo dál duddjon láhkái digitálalaš kvalitehtaárvvoštallanvuogádaga Valssi oassin. Lassedieđut Valssis gávdnojit [Karvi neahttasiidduin](#).

Lassedieđut:

- árvvoštallanáššedovdi Sivi Harkoma, tel. 029 533 5556 sivi.harkoma@karvi.fi
- árvvoštallanráđđeolmmoš Janniina Vlasov, tel. 029 533 5543 janniina.vlasov@karvi.fi